

Tiäđuh Kanta-palvâlusâin sosiaal- já tiervâsvuodâhuolâttâsâst áššâtalleid

Sosiaal- já tiervâsvuodâhuolâttâs áámmátulmuuh pyehtih faallâđ tunjin pyeremuu máhđulâš palvâlus, ko sist láá kiävtust äigikyevdilis tiäđuh meiddei tast, maggaar palvâlusâid tun lah uázžum ovdil. Taan suujâst reesept-, pyeccee- já äššigâstiättud vyerkkejuvvoje Kanta-palvâlussáid.

Kanta-palvâlusâi vievâst tuu tiäđuh kiedâvuššojeh torvolávt

Kanta-palvâlusah láá riijkâvijđosâš tiätuvuáhádâhpalvâlusâi ubâlâšvuotâ. Ko tun áššâtalah sosiaal- já tiervâsvuodâhuolâttâsâst teikkâ apteekist, tuu äššigâs- já pyecceetiäđuh vyerkkejuvvoje palvâlusadeleijee tiätuvuáhádâhân. Tobbeen toh sirdâšuveh Kanta-palvâlussáid.

Kanta-palvâlusâi iššeen tuu tiäđuid pyehtih sirded tiätutorvolávt áámmátulmui kiävtun kiäh hoittáje tuu aašijd. Tun puávtáh jieš kejâstállâđ tiäđuidâd MuuKantast.

Návt tiätu jotá Kantast

- Äššigâs- já pyecceetiäđuh láá Kantast.
- Sosiaal- já tiervâsvuodâhuolâttâs áámmátolmooš kirjeet já kiäččá tiäđuid jieijâs tiätuvuáhâduvvâst.
- Áámmátulmuu kevttim vuáhâduvvâst tiäđuh maneh Kantan.
- MuuKantast aalmugjeessân puáhtá keččâđ já haldâšid jieijâs tiäđuid.

Tuu tiäđui kevttim vuáđuduvá ain äššigâs- teikkâ tipšomkoskâvuotân

Sosiaal- já tiervâsvuodâhuolâttâs áámmátulmuuh aneh ävkkín tiäduidâd tuše talle, ko tot lii taarbâšlâš. Tiäđui kevttim váátá ain äššigâs- teikkâ tipšomkoskâvuodâ sehe pargoid vuáđuduvvee kevttimvuoigâdvuodâ. Tiäđui keččâmist páácá merkkim tiäđoid, vâi tai kevttim puáhtá kocceed.

Ko tun adelah luovâtemlove, te eres palvâlusadeleijeeh pyehtih kevttih tuu tiäđuid

Sosiaal- já tiervâsvuodâhuolâttâs palvâlusadeleijeeh pyehtih keččâđ tiäduidâd jieijâs pyeccee- teikkâ äššigâsregisterist tuu sierâ lovettaa. Ovdâmerkkân pyereestvaijeemkuávlust vyerkkejum pyecceetiäđuh láá kevttimnáál koččâmušâst leijee pyereestvaijeemkuávlust tiervâsvuodâhuolâttâsâst.

Tuu reesepttiäđuid pyehtih kevttiđ tuu sierâ lovettaa tipšomtiileest já ko tun viežah talkkâs apteekist.

Ko adelah luovâtemlove, te tuu tiäđuh láá meid eres palvâlusadeleijei kiävtust tobbeen, kost tun ášáštâlah. Taat táárgut, ete tuu tiäđuid pyehtih luovâttiđ ovdâmerkkân pyereestvaijeemkuávlust kooskâst sehe almolâš já priivaat tiervâsvuodâhuolâttâs kooskâst.

Luovâtemlope uudâsm

31.12.2023 räi luovâtemlope lii toohâm máhđulâžžân Kanta-palvâlussáid vyerkkejum tiäđui luovâtem.

Joodhâst luovâtemluuvijn pyehtih luovâttiđ meiddei taggaar tiäđuid, moh iä lah Kantast.

Tánávt ovdâmerkkân meiddei tuu pápárân kirjejum tiäđuid uázžu luovâttiđ pyereestvaijeemkuávlust nuubán teikkâ almolâš já priivaat tiervâsvuodâhuolâttâs kooskâst.

Jis tun lah adelâm luovâtemlove ive 2023 teikkâ ovdeláá, te tom kannat peividiđ MuuKantast. Návt tuu luovâtemlope taha máhđulâžžân joodhâst tai-uv tiäđui luovâtem, moh iä lah Kantast.

Jis tun adelah luovâtemlove vuosmuš tove, tot taha máhđulâžžân tuu Kantast leijee sehe eres tiäđui luovâtem.

Jis tun jieih peivid luovâtemloováád, te lope piso vyeimist já taha máhđulâžžân joodhâst-uv tuu Kanta vyerkkejum tiäđuid luovâtem.

Lasetiäđuid luovâtemlove uđâsmistmist tun kaavnah čujottâsâst **kanta.fi - Pyecceetiäđui luovâtemlope** (suomâkielân)

Tun puávtáh vaiguttiđ tiäđuiddâd kevttimân raijiimáin tai luovâtem

Luovâtemkiäldoin tun puávtáh miäruštállâđ, ete maid reesept-, pyeccee- já äššigâstiäđuiddâd ij uážu luovâttiđ eres sosiaal- já tiervâsvuodâhuolâttâs palvâlusadeleijeid keččâmnáál.

Jis tun kiäldáh mottoom pyeccee- já äššigâstiäđuiddâd luovâtem, toh uáinojeh tuše tom palvâlusadeleijei, kiän registerân tiäduh kuleh. Tuu tiäduh uáinojeh kiälduin huolâhánnáá ovdâmerkkân ton pyereestvaijeemkuávlust, kost tiäduh láá kirjejum.

Tun puávtáh adelid̄ teikkâ peividiđ luovâtemlove já toohâđ luovâtemkiäldu MuuKantast.
Tun puávtáh hoittâđ lope- já kioldimaasijd meid, ko tun ášáštâlah tiervâsvuodâhuolâttâsâst.

Tiervâsvuodâtiäđui kevttim Uusimaa-kuávlust

Uusimaa eennâmkode kuávlust almolâš tiervâsvuodâhuolâttâs palvâlusadeleijeeh uážžuh keččâđ nubijdis registerijn orroo pyecceetiäđuist, ko tun lah uážžum Kanta-informistem ađai almottâs tuu tiäđui kevttimist.

Sosiaal- já tiervâsvuodâhuolâttâs puáhtá kevttiđ taan tiedettemkirjáa iššeen ko addel tiäđu tunjin. Muulsâiähtulávt tun puávtáh luuhâđ já kuittiđ almottâs jieš MuuKantast.

Luovâtemluuvijn tun puávtáh raijid pyecceetiäđuiddâd kevttim meiddei Uusimaa kuávlust.

Lasetiäđuist tiäđui kevttimist tun kaavnah čujottâsâst
kanta.fi - Luovâtemlope já kiälduh
(suomâkielân)

Ášástállâm MuuKantast já apteekist

Mii lii MuuKanta?

MuuKanta lii nettipalvâlus, mon peht tun peesah uáiniđ Kanta-palvâlussáid vyerkkejum tiäduidâd. MuuKantast tun uáináh jieijâd tiervâsvuotâtiäđuđid já reseptijđ, puávtáh táttuđ reesept uđâdem sehe vuorkkiđ orgaanluovâtem- já tipšomtáátu. Sosiaalpalvâlusâi tiäđuđ puátiđ uáinusân MuuKantan eres ääigi eres kuávluin Suomâst.

MuuKantan čáládâttoo siisâ ovdâmerkkân paŋkkitubdâlduvâiguin čujottâsâst kanta.fi.

MuuKantast lii máhđuľâš ášástállâđ nube rävisulmuu peeleeŧ šľeđgâlâš Suomi.fi-váľdâsmitmáin. Meiddei huolâtteijeeđ pyehtih ášástállâđ párnáá peeleeŧ MuuKantast.

MuuKantast lii finnimnáál eenâb tiätu. Tun puávtáh táttuđ tiedettemkirjáá ášástâľdijnâd sosial- teikkâ tiervâsvuodâhuolâttâsâst.

Talkkâs uáŧtim reseptáin

Puoh resepteh meriduvvojeh šľeđgâhâámist já tiäđuđ vyerkkejuvvojeh Kanta-palvâlussáid.

Vuástávâľdimist tun uázuh mielđi printtejum pyecceeravvu, mast tun uáináh talkkâsij noomâid já vâľdimravvuid. Tun uáináh taid tiäđuđ meiddei MuuKantast. Tun finnih talkkâsijđ apteekist čäittimáin ovdâmerkkân tuu Kela-koortâ teikkâ pyecceeravvu.

Jis kiinii eres viäžžá tuu peeleeŧ tuu talkkâsijđ apteekist, sust ferttee leđe mielđi tuu Kela-korttâ teikkâ tuu pyecceeravvu. Tun puávtáh meiddei adeliđ talkkâs viežžei šľeđgâhámásâš apteekášástállâmvaldâsmitem Suomi.fi-nettipalvâlusâst.

Luvvâ eenâb:

kanta.fi (suomâkielân)

kanta.fi - Tiäđuđi kevttim já torvolâšvuotâ (suomâkielân)

Almostittum 2/2024